

ԳԻՏԱԿԱՆ ԼՐԱՏՈՒ

ԿՈՒՆՏՐՈՒՐ-ԼՈՒՍԱՎՈՐԱԿԱՆ ԵՎ ՄԱՍՍԱՅԱԿԱՆ ԱՇԽԱՏԱՆՔԸ ՊԵՏԱԿԱՆ ՊԱՏՄԱԿԱՆ ԹԱՆԳԱՐԱՆՈՒՄ

Իր գործունեության բառասուն տարին բոլորեց Հայաստանի Պետական Պատմական թանգարանը: Մեր հանրապետության այդ խոշոր կուլտուրական հաստատությունում են կենտրոնացված հայ ժողովրդի և նրա հեռավոր նախնիների պատմությանը և մշակույթին վերաբերող բազմահարկ և բազմաբնույթ հնագիտական պեղումներից ստացված հարուստ նյութեր, ազգագրական-կենցաղային առարակներ և այլն: Թանգարանի դիսպոզիցիայի հանձնարարություններով և հայ ժողովրդի պատմության մշտական ցուցադրություններ՝ սկսած ամենահնագույն շրջանից մինչև 19-րդ դարի վերջը: Թանգարանի աշխատակիցները գիտա-հետազոտական աշխատանքներին և պեղումներին ղուգահեռ լուրջ և հետևողական գործունեություն են ծավալել ֆունդերի հաշվառումը և պահպանումը բարելավելու, կատալոգներ կազմելու, թանգարանային նոր արժեքներ ձեռք բերելու, ինչպես նաև թանգարանագիտությանը վերաբերող մյուս կարևոր խնդիրների կատարման բնագավառներում: Մակայն, այս ամենը, ինչպես և մշտական ցուցադրության կատարվող գործումը, ուղղված են նախ և առաջ այն բանին, որպեսզի ծառայեն ժողովրդին, նպաստեն նրա հետաքրքրությունների բավարարմանը, գեղագիտական դաստիարակությանը և հայրենասիրությանը:

Հայ ժողովրդի նյութական և հոգևոր մշակույթին ու պատմությանը վերաբերող այս հարուստ գանձարանը ժողովրդական խոշոր գանգվածներին հասցնելու ազնիվ նպատակն էր հետապնդում նաև ՀՍՍՌ Գիտությունների ակադեմիայի նախագահության 1960 թվականի սկզբի այն որոշումը, որով Պատմության թանգարանում ստեղծվեց գիտա-մասսայական աշխատանքի բաժին: Նորաստեղծ բաժինը թանգարանի դիրեկցիայի և մյուս բաժինների օժանդակությամբ ծավալեց հետևողական աշխատանք իր առջև դրված լուրջ և շնորհակալ խնդիրների կենսագործման ուղղությամբ: Այժմ, երբ առկա են բաժնի շուրջ երեք տարվա գործունեության արդյունքները, վստահությամբ կարող ենք նշել, որ թանգարանի կուլեկտիվը գիտա-հետազոտական, դաշտային, ազգագրական և թանգարանագիտական այլ և այլ աշխատանքներին զուգահեռ ի վիճակի է հաջողությամբ կատարել նաև կուլտուր-լուսավորական, գիտա-մասսայական բնույթի խնդիրներ:

Շուրջ 100.000 մարդ և ավելի քան 1.000 Լրակուրիա՝ այսպիսին է թանգարանի այցելությունների պատկերը միայն 1962 թ. ընթացքում: Այս թվերին թանգարանի կուլեկտիվի հասել է՝ սերտ կապ ստեղծելով հիմնարկ-ձեռնարկությունների, ուսումնական հաստատությունների, գյուղական շրջանների և զինվորական մասերի, ՀԱՄԽ-ի, «Միծեռնակ» և պատանական տուրիստական կայանների ու «Նետուրիստ»-ի հետ այցելությունների ավելացմանը ղգալի օգնություն է ցույց տվել նաև թանգարանի կողմից հրատարակված աֆիշը և բարձր նաշակով կատարված գեղարվեստական մեծադիր ոեկլամը:

Սակայն ամենից առաջ հարկ է նշել, որ թանգարանը գրավիչ է իր Լքսպոնատների գիտական և գեղարվեստական մեծ արժեքով, Լքսպոնատներ, որոնք յուրաքանչյուր այցելուր հիացմունքն են առաջ բերում:

Գիտա-մասսայական և մյուս բաժինների աշխատակիցները սպասարկում են ոչ միայն Հայաստանի բազմաբնույթից ու շրջաններից թանգարան այցելող շատ կուլեկտիվներին, այլ նաև Միության տարբեր վայրերից ու արտասահմանից Մեքան ժամանող տուրիստական խմբերի և հյուրերի: Այսպես, 1962 թվականի ընթացքում Միության տարբեր բազարներից թանգարան են այցելել մի քանի հարյուր, իսկ արտասահմանից շուրջ 100 խումբ:

«Թանգարանը, որ պատմում է տաղանդավոր հայ ժողովրդի հին, հարուստ կուլտուրայի մասին, բացառիկ տպավորություն է թողնում: Երբանիկ եմ այն այցելելու հնարավորություն ունենալու համար» — գրում է ակադեմիկոս Պալլադիսը:

Բազմաթիվ հիացական տպավորություն են թողել նաև արտասահմանյան հյուրերը: Ամերիկյան հայտնի նկարիչ Ռոբուել Քենտը հետևյալ տողերը թողեց թանգարան այցելելուց հետո. «Այս օրը ընդմիջտ կմնա մեր հիշողության մեջ. մենք մեծ ուշադրությամբ դիտեցինք հայ մեծ ժողովրդի հոյակապ թանգարանը: Հիանալի ժողովուրդ, Այս օրը երբևք չի մոռացվի մեր կյանքում»:

Թանգարանի աշխատակիցները բարձր կազմակերպվածություն և մեծ բարեխղճություն դրսևորեցին մասնավորապես մաշտոցյան օրերին, երբ թանգարան այցի եկան մեծաքանակ հյուրեր ինչպես Սովետական Միությունից, այնպես էլ արտասահմանից:

Գիտա-մասսայական աշխատանքի բաժինը համեմատաբար ուժեղացրել է կապը բուհերի և դպրոցների հետ: Իրենց ծրագրային թեմաների վերաբերյալ լրացուցիչ բացատրություններ ստանալու համար պարբերաբար թանգարան են այցելում Պետական համալսարանի, Անաստաբուծական-անասնաբուծական, Մանկավարժական ինստիտուտների և մյուս բուհերի ուսանողները:

Թանգարանի սրահներում հաճախակի են լինում դպրոցականները, որոնք ընդհանուր բնույթի բացատրություններից բացի ունենդրում են բացատրողների թեմատիկ էքսկուրսիաներին և ուսուցիչների ղեկավարությամբ պատմության դաս են անցկացնում իրենց ծրագրային նյութի շուրջը: Թեմատիկ էքսկուրսիաներ են կազմակերպվել դպրոցականների համար ղեպի Կարմիր բլուր, Արին բերդ, Դվին և այլուր: Ուսանողների և աշակերտների համար թանգարանի կինոսրահում պարբերաբար ցուցադրվել են գիտա-հանրամատչելի և ուսումնական կինոնկարներ:

Կուսակցական, կոմերիտական և արհմիութենական օրգանների հետ ունեցած փոխադարձ պայմանավորվածության հիման վրա թանգարանում պարբերաբար լինում են պրոպագանդիստական դասընթացների և կուլտուրայի համալսարանների ունենդիրներ, պիոներական չոկատներ, պատանի տուրիստների երթուղիներով Սրևան ժամանած խմբեր և այլն:

Արդեն երկրորդ տարին է, ինչ թանգարանում գործում է լեկտորիումը՝ ընդհանուր և աշակերտական ցիկլերով: Ընդհանուր ցիկլի դժով միայն այս տարի կազմակերպվել է ավելի քան 10 դասախոսություն, ընդ որում Սրևան բաղաբի տարբեր կազմակերպություններից և շրջաններից թանգարան այցելած կոլեկտիվների առաջ հայ ժողովրդի պատմության և մշակույթի, նահապետության և ճարտարապետության առանձին հարցերի շուրջը հանգես են եկել և նետաքրքիր դասախոսություններ են կարդացել պրոֆեսորներ Ս. Սրեմյանը, Կ. Ղաֆաղարյանը, Բ. Առաքելյանը, Ս. Պողոսյանը, դիտությունների թեկնածուներ Մ. Հասարայանը, Վ. Հարությունյանը, Վ. Մելիքսեթյանը, Հ. Մարտիրոսյանը և ուրիշներ:

Լեկտորիումի գործունեության գրական արդյունքների մասին է վկայում այն հանգամանքը, որ առանձին կոլեկտիվներ (օր. Սրգանական քիմիայի ինստիտուտը) մի դասախոսություն լսելուց հետո ցանկություն են հայտնում զանազան լեկտորիումի մշտական ունենդիրներ և դասախոսությունների ամբողջ շարք են լսում Հայաստանի պատմության վերաբերյալ:

Այս տարի թանգարանում սկսեց գործել նաև աշակերտական լեկտորիումը: Աշակերտների առաջ նետաքրքիր գրույցներով հանդես են եկել պատմական գիտությունների թեկնածուներ Վ. Քալաշյանը, Հ. Մնացականյանը, ճարտարապետ Մ. Մազմանյանը, ինչպես նաև բաժնի աշխատակիցները:

Աշակերտների շրջանում մեծ հետաքրքրություն առաջ բերեց և նրանց հայրենասիրական ոգով դաստիարակելուն նպաստեց լեկտորիումի այն պարագմունքը, որը նվիրված էր Սրևանի անցյալին և զարգացման հեռանկարներին: Թանգարանի Ուրարտուին նվիրված սրահում երևախաները ունենդրեցին կրտսեր գիտ. աշխատող Լ. Բուդումյանի գրույցին՝ Սրևանի հեռավոր պատմական անցյալի մասին և տեսան ուրարտական այն սկզբգիր արձանագրությունը, որտեղ խոսվում է Սրևանի ամրոցի կառուցման մասին. այնուհետև զահլիճում վաստակավոր սարտարապետ Մ. Մազմանյանը հանդամանորեն ծանոթացրեց երևախաներին մեր հանրապետության մայրաքաղաքի զարգացման հեռանկարներին: Վերջում աշակերտները դիտեցին Սրևանին նվիրված «Վարդագույն քաղաքը» կինոնկարը:

Կուլտուրալային և բանվորական կոլեկտիվների հետ կապերն ամրապնդելու նպատակի էին նետապնդում Շահումյանի շրջանի գյուղատնտեսության աշխատողներին և Ալյումինի գործարանի արտադրության ասալավորներին նվիրված հանդիպման օրերը: Այդ միջոցառումները կազմակերպված և բովանդակալից անցկացնելու համար թանգարանի կոլեկտիվի հետ միասին աշխատանքի լծվեցին նաև Ակադեմիայի հնագիտության և Պատմության ինստիտուտների առանձին գիտնականները: Թանգարանի սրահներում բանվորների և գյուղացիների

համար հետաքրքիր, շերմ զրույցներ անցկացրեցին պրոֆեսորներ Կ. Ղաֆադարյանը, Բ. Առաքելյանը, գիտությունների թեկնածուներ Զ. Մնացականյանը, Զ. Ղազարյանը և ուրիշներ: Թանգարանի հյուրերը ծանոթացան ցուցադրության հետ, հաճույքով դիտեցին Հայաստանի պատմությանը և ճարտարապետությանը նվիրված կինոնկարներ: Այս հանդիպումները փոխադարձաբար հաճելի եղան և արտադրության աշխատողների և թե թանգարանի գիտական կուլեկտիվի համար, ուստի դրանք այսուհետև ավելի մեծ տեղ կգրավեն մեր աշխատանքներում:

Թանգարանում կանոնավոր գեթում է կինոկլետրիսմը, որի գծով ցուցադրվել են Հայաստանի պատմությանը, հնագիտությանը, ճարտարապետությանը, ինչպես նաև Եգիպտոսի, Հունաստանի և այլ երկրների պատմական հուշարձաններին նվիրված գիտա-հանրամատչելի և ուսումնական կինոնկարներ: Միայն 1962 թվականի ընթացքում կինոկլետրիսմի միջոցառումներին մասնակցել է ավելի քան 2.000 մարդ:

Թանգարանի գիտական կուլեկտիվի և նկարիչներ Մ. Տիրատուրյանի, Լ. Նալբանդյանի, Ս. Ասատրյանի համատեղ ջանքերով այս տարվա մայիսին պատրաստվեց և բնակչության լայն մասսաներին ներկայացվեց հայ ժողովրդի պատմությանն ու մշակույթին նվիրված շրջիկ ցուցահանդեսը: Ըստ էության այդ ցուցահանդեսը թանգարանի մշտական ցուցադրության խմբագրված վերարտադրությունն է մեծ ճաշակով ձևավորված 76 վահանների վրա և թանգարանի կուլեկտիվի գործնական պատասխանը Ակադեմիայի Նախագահության առաջարկներին՝ թանգարանային հարստությունները աշխատավորության ավելի լայն խավերի սեփականությունը դարձնելու մասին:

Ցուցահանդեսը իր քննությունը բունց մայիսի 21—24-ին՝ Ակադեմիայի ձևաարհուում՝ Մեսրոպ Մաշտոցի ձեռնարկի 1600-ամյակին նվիրված հուբելյանական գիտական սևախյուրերին: Մայիսի 25-ից մինչև հունիսի 14-ը ցուցահանդեսը արդեն Սպերայի ճեմարհուում էր, իսկ հունիսի 16-ից նա մեծ շրջագայություն սկսեց Հայաստանի տարբեր բաղաքներում և շրջաններում: «Շրջիկը» շուրջ 6 ամսվա ընթացքում եղավ Լենինական, Կիրովական, Ալավերդի բաղաքներում, Ստեփանավանի, Էջմիածնի, Աշտարակի շրջաններում և նույնիսկ առանձին գյուղերում (Օշական, Եղվարդ): Գեկտեմբերին ցուցահանդեսը Երևանի Կլբովի անվան դործարանի կուլտուրայի պալատում էր, իսկ այժմ՝ Ալյումինի գործարանի կուլեկտիվի հյուրի է նա: Ամենուրեք ցուցահանդեսը մեծ սիրով է ընդունվում այցելուների կողմից, որոնք ողջունում են «շրջիկ» կազմակերպման նախաձեռնությունը և հաջողություններ ցանկանում նրան: «Մենք Կիրովականի քիմ. կոմբինատի մի խումբ բանվորներ,— գրում է Ա. Համբարյանը,— ծանոթանալով Հայկ. ՍՍՌ Գիտությունների ակադեմիայի Պետ. Պատմական թանգարանի շրջիկ ցուցահանդեսին կարողացանք ավելի լավ պատկերացում կազմել հայ ժողովրդի պատմության և կուլտուրայի վերաբերյալ: Ենորհակալություն թանգարանի բոլոր աշխատակիցներին, իրենց կատարած այս մեծ ու պատվավոր գործի համար: Բզովդալի 82-ամյա րնակիչ Արմենակ Գրիգորյանը ևս իր հիացմունքն է արտահայտում նշելով, որ «Ինձ վրա մեծ տպավորություն թողեց հայ ժողովրդի պատմության ցուցահանդեսը: Որտեղ էլ որ լինում է շրջիկ ցուցահանդեսը, նրա մշտական այցելուներն են լինում աշակերտները, որոնք խանդավառությամբ են ծանոթանում իրենց ժողովրդի պատմությանը: Ալավերդու Չարենցի անվան դպրոցի 8-րդ դասարանի աշակերտների անունից Լուսրա Նազարյանը գրում է. «Գիտելով հայ ժողովրդի պատմության և մշակույթի ցուցահանդեսը խորին շնորհակալություն ենք հայտնում ցուցահանդեսը կազմակերպողներին: Նայելով այս ցուցահանդեսը, ավելի խոր գիտելիքներ և ստացանք հայ ժողովրդի անցյալի մասին: Այս ցուցահանդեսը մեզ վրա թողեց անբնչելի տպավորություն»:

Շրջիկ ցուցահանդեսը այցելող կուլեկտիվների համար կազմակերպվել է շուրջ 250 էքսկուրսիա: «Շրջիկ» վարիչ կրտսեր գիտաշխատող Ռուբեն Եահնազարյանը տեղերում կապվում է հիմնարկ-ձեռնարկությունների հետ, իր բացատրություններով և կոնսուլտացիաներով ոգնում է ցուցահանդես այցելողներին: «Շրջիկ» հետ շրջաններում են եղել նաև թանգարանի ավագ գիտաշխատակիցները, որոնք հանդես են եկել ցուցահանդես այցելած կուլեկտիվների առաջ:

1962 թ. 8 ամիսների ընթացքում շուրջ 80.000 մաքղ է դիտել շրջիկ ցուցահանդեսը, ու ակնառու վկայությունն է այն բանի, որ «շրջիկը» իսկապես ճիշտ ուղու վրա է և ծառայում է իր հիմնական նպատակին:

Թանգարանի կուլեկտիվը զգալի աշխատանք է տանում նաև սպասարկման կուլտուրան: Երբձրայնելու ուղղությամբ. հրատարակված է թանգարանի ուղեցույցը, նկարաշար թանգա-

րանի Լրացողիցիայի վերաբերյալ և այն թանգարանի բաժինները պատասխանում են Միության տարբեր թաղաքներից և արտասահմանից ստացվող բազմաթիվ համակներին, հարցումներին, ոգևում պալատագիտական և դպրոցական թանգարանների կոմպլեկտավորմանը և այլն: Լուրջ աշխատանք է տարվում հան ուսանողական և աշակերտական հնագիտական խմբակների պարապմունքները կազմակերպելու և դիմա-մասոսայական բնույթի այլ աշխատանքների բնագավառում:

Այս ամենը մեկ անգամ ևս վկայում է այն մասին, որ ակադեմիական ենթակայության թանգարանը դիտահետազոտական աշխատանքներին զուգահեռ հաջողությամբ է կատարում նաև իր առջև դրված կուլտուր-լուսավորական բնույթի խնդիրները:

Մ. ԽՈՆԳԻԼՅԱՆ